



Publicaziuns officialas dils 10-03-2017

Damonda da baghegiar

Nr. 15/2017

Datum da publicaziun: 10-03-2017
Patrun: Castelberg Jacinta, 7172 Rabius
Liug e parcella: Cavivens; 222
Object: Nova finiastra

Nr. 16/2017

Datum da publicaziun: 10-03-2017
Patrun: Dorn Hermann, 7000 Cuera
Liug e parcella: Tschuppina; 321
Object: Sanaziun externa cun remplazzament dils barcuns e dallas finiastras

Ils profils ein tschentai ed ils plans da construcziun ein deponi tier la canzlia commuala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 10-03-2017

Cumissiun da baghegiar

Uffeci civil Surselva

Mortori

Deplazes Maurus, naschius ils 01-09-1952, morts ils 03-03-2017, staus sesents a Surrein.

Sumvitg, 10-03-2017

Controlla da habitonts

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 10-03-2017

Departament stradal

Serrada dalla via da Surrein – tschancun Giachentrina

Igl uffeci cantunal da construcziun bassa cuntinuescha las lavurs da sanaziun dalla via atras il vitg da Surrein. L'interpresa Beer SA preveda d'entscheiver cun las lavurs da Giachentrina entochen tier la caplutta da S. Clau a Reits, naven da gliendisdis ils 20 da mars 2017. Muort la stretga a Giachentrina (profil 520–560, scrinaria Robert Bundi) sto quei tschancun vegnir serraus per scadin traffic naven da **gliendisdis, ils 27 da mars 2017 naven dallas 7.00 entochen venderdis, ils 7 d'avrel 2017 allas 17.00**. (la fin d'jamna dils 1 e 2 d'avrel resta la via aviarta). Ina untgida ei pusseviva sur Cumpadials–Sumvitg ni sur Rabius–Sumvitg. Per ulteriur sclariment san ins seolver tier il responsabel digl uffeci da construcziun bassa dil cantun ni tier il genau da baghegiar dalla vischnaunca da Sumvitg:

Pius Cavegn, telefonin 079 334 74 14

Giusep Bearth, telefonin 076 456 90 97

Nus engraziein per Vossa capientscha e salidein.

*Departament da baghegiar dalla vischnaunca da Sumvitg
Giusep Bearth
Uffeci da construcziun bassa dil Grischun, district 6
Pius Cavegn*

Pleiv Sumvitg

Preavis

Nus prendein si in usit derasau da pli baul ed envidein tut tgi che ha plascher da far cun nus il pelegrinadi a Ziteil cun accumpignament da pader Clau Lombriser e sur Benny. Quel fagein nus ils **28 e 29 da fenadur 2017** e dein a vus duas variantas:

Varianta 1: venderdis e sonda

Partenza venderdis entuorn miezdi, star sur notg a Ziteil, devoziun e program special dalla sera cun pader Clau. La sonda retscheiver ils ulteriurs pelegrins, s. messa allas 11.00.

Varianta 2: sonda

Partenza la damaun marvegli, s. messa allas 11.00 a Ziteil Per tals che pon buc ir a pei vegn organisau in transport cun auto la sonda. Informaziuns specialas anfleis vus sut www.ziteil.org. Per voss'annunzia e cun informaziuns detagliadas s'annunziein nus el decuors dalla primavera. Nus selegrein da vossa participaziun e salidein amicablamein *il cussegl pastoral, pader Clau e sur Benny*

Invitaziun al gentar da Cureisma

Dumengia, ils 12 da mars 2017 a Sumvitg

L'unfrenda che vegn prida si duront il survetsch divin va en favur dil project Urpi Wasi a Cusco/Peru. Urpi Wasi che vul dir casa columba, vegn menada dalla fundatura Barbara Casanova da Sursaissa. Sandra Decurtins e Bettina Personica raquentan a nus dalla lavur e dalla paupradad che regia leu. Cordiala invitaziun a tuts parochians *Sur Benny, il cussegl pastoral e l'uniun da dunnas Sumvitg/Cumpadials*

Societad da tir Vial Sumvitg

Invitaziun alla radunonza generala che ha liug venderdis, ils 17 da mars, en l'ustria «Cruna», Sumvitg, allas 20.00. Cordialmein envida la suprastonza e cumissiun da tir.

Casa s. Martin a Trun

La Casa s. Martin a Trun envida parents ed enconuschents da nos cussadents, vischinas e vischins da lunsch e da maneivel all' usitada stiva da caffè. Ina vasta elecziun da bunas pettas ed autras bunas caussas ei garantida. Quei **dumengia, ils 12 da mars 2017**, naven dallas 14.00–17.00. Vossa viseta fagess plascher a cussadents e persunal. Cordial envida *meinacasa e persunal*